

Landesbibliothek Oldenburg

Digitalisierung von Drucken

Bibliotheca Smithiana, Seu Catalogus Librorum D. Josephi Smithii Angli Per Cognomina Authorum Dispositus


Pasquali, Giovanni Battista

Venetiis, 1755

Quintiliani Institutiones Oratoriae.

urn:nbn:de:gbv:45:1-844

summopere debemus, qui facultatem nostram hoc volumine illustrare tentaverit. Utinam igitur immortalis Deus cum nobis diu servet, cum & medicina, & omnibus litterarum studiis prodesse velit ac possit. Rem nobis gratissimam faceres, Amicorum optime, si digestio quoque illa Aphorismorum, quam superiori anno secundum pheen Avicennæ membratim distinximus, ab hoc tuo Clemente imprimeretur, vel sola, vel hoc in libro inserta. Etenim optarem laborem nostrum ab impressore approbatissimo in lucem proferri. Vale, & nos ama. Venetiis anno Christi MCCCCLXXI. xv. Kal. Junii.



QUINTILIANI INSTITUTIONES ORATORIÆ

Venetiis, per Nicolaum Jenfon, MCCCCLXXI.

*Reverendissimo in Christo Patri ac Domino meo observandissimo
Domino Moyfi de Bufarelis [a] Episcopo Belunensi Omnibonus
Leonicens [b] salutem plurimam dicit.*

CUM hanc mihi provinciam demandares, Observandissime Pater, ut Quintiliani Institutiones Oratorias emendarem, dubitavi fateor, numquid eam susciperem. Memineram etenim gravem illam ac perdifficilem fore, qui tertio ante anno librum ipsum auditoribus nostris exponere aggressus, ita vitiatum repereram, ut nusquam ferme sincerus videretur; interdum etiam fuisse, ubi nullus omnino sensus elici posset. Ast ubi mandata tua observarentur animo, rursus hoc mihi oneris quantumcumque esset subeundum esse intelligebam. Id certe ne illa forte suspicio animum incesceret, noluisse me potius, quam non potuisse, cum præsertim viderem, non tibi solum, humanissime Pater, sed omnibus ferme litterarum studiosis ita persuasum esse, me, si quisquam alius, huic oneri sufficere posse. Hac igitur etiam scholasticorum opinione compulsus, ne cui forte laborem subterfugere viderer, ingressus sum rem sane periculosam, et quæ non minus mihi sollicitudinis afferret, quam scholasticis adjumenti, ut eorum studii pro virili parte consulere. Accedebant justæ preces magistri Nicolai Jenfon Gallici, alterius (ut vere dicam) Dædali, qui librariæ artis mirabilis inventor, non ut scribantur calamo libri, sed veluti gemma imprimantur, ac prope sigillo, primus omnium ingeniose monstravit, ut huic viro, qui de re litteraria tam bene meruerit, nemo sit, qui non favere summopere debeat. Idcirco non difficulter impetravit, ut non hoc solum opus, verum etiam utranque Ciceronis artem corri-

[a] Antequam Bellunensem Episcopalem Sedem conscenderet, Polæ Episcopatum tenuit. Cum Præsul Polensis esset, *Thadeus Quirinus* Patritius Venetus, ut refert Eminentiss. D. Cardinalis *Quirinus* in Epistola ad S. P. *Benedictum* xiv. quæ habetur in prima Decade pag. 65. libellum transmisit, cui titulus: *Tractatio in S. Maximum de Parsimonia*, ubi in epist. nuncupatoria se studiorum ejus focium appellat.

[b] Ludimagister in Oratoria disciplina juxta nonnullos insignis; at juxta *Corcesium de Hominibus Doctis* pag. 27. in scribendo *satis amplus, sed pavum nitens, aut excultus, nullus candor est Latini Sermonis, neque flos ullus, quem in oratione requirimus*. Inter celebres *Joannis Ravennatis* discipulos numeratur a *Flavio Blondo* Ital. Illustr. lib. iv. & a *Joanne Bonifacio Rhodigino*, in Hist. Tarvisina Lib. xi. pag. 628. discipulus dicitur *Victorini Felstrensis*.